

Velhada de l'an...

Lo jorn, sens menar de bruch, pitit a pitit bassa e la nuech, en cacheta, emb daus pitits sauts pren sa plaça. Sitòst cinc oras dau ser, las combas e los termes grisonene 'na lampa eslusissen en ren de temps jos chasca teulada. Per lo sopar, l'um se rassembla autorn de la tabla tanleu que l'angelus sona au clochier dau chap-luòc de la comuna. La gent son chas ilhs e las bestias a l'estable, mas qu'es un pauc tòt per 'nar se coijar. Fau maiar questa nuech non mas emb daus raibes, 'laidonc l'um vai tustar a la pòrta de quauques bons vesins. Aquí, l'um vos fai 'na plaça davant la chamineia ente fai bon de se tornar trobar e tots se trafen a platussar. L'um parla de las darrieras novelas culidas dins los jornaus, l'um balha sa rason jur la politica e los politicians, jur los elegits. L'um aproba, l'um troba a far, l'um s'esgrinha tanben 'vances de s'apasar. Puei veiqui que lo passat fai respond au present, que los "te rapeles-tu" fan sega aus "te suvenes-tu" e l'um vai querir dins l'armari de la cambra l'anciana bòitia de biscuechs en fer blanc pintrat, dins laquau l'um a renja las fòtos de familha. Quilhs souvenirs passen de man en man e los comentaris van bon tren. A tornar veire los portraits daus reis-grands l'um evòca lur merite e lo coratge que lur a faugut per afanar lur libertat e laisser un cubert e 'na terra nuricièra a lur descendença. E puei l'um torna parlar de la Loisa que l'um torna trobar jur la fòto dau maridatge dau Jan e de la Denisa. L'um se suven. 'Quela paubra Loisa la figura malhada de favorits rossejats que fugia, sens pena resulta, apres un bon partit. 'L' avia daus sòus nòstra Loisa, mas veiqui "l'era totjorn mau rasada... La velhada se contunha emb quauquas istòrias per far rire dau temps qu'a grasilhar, davant la bresa, de bons e gros chauvets 'chaben de se grilhar. Bien benaisa au chaud, l'um lascia gemar defòra lo vent negre de l'iver. Coma quò, vai a se passar la velhada de la St-Sauvestre e puei la pendula que sona fai drelhar los douze còps de miegnuech !

Los velhadors se leven lo veire a la man per trinquer au novel an e l'um se potona... Coma ilhs, plan amistosament, vos potone e vos soate, a vosautres, amics dau País dau Coijant Lemosin e d'alhors, 'na bona e brava e plan fruchosa annada 2015...

A l'an que ven !



Jan-GL. Ducourtieux; maison-de-pais87@orange.fr

Veillée de l'an...

Le jour, discrètement, peu à peu décroît et la nuit qui le suit, furtivement, par petits bonds prend sa place. Dès cinq heures du soir, les combes et les termes deviennent gris et une lampe luit bientôt sous chaque toit. Pour le souper, on se rassemble autour de la table sitôt que l'angélus a tinté au clocher du chef-lieu de la commune. Les gens sont chez eux et les bêtes à l'étable, mais il est trop tôt pour aller se coucher. Il faut agrémenter cette nuit pas seulement avec des rêves, alors on va frapper à la porte de quelques bons voisins. Là, on vous fait une place devant la cheminée où il fait bon se retrouver et les conversations s'engagent. On commente les dernières nouvelles cueillies dans les journaux, on donne son avis sur la politique et les politiciens, sur les élus. On approuve, on critique, on se chaille aussi avant de s'apaiser. Puis voilà que le passé fait écho au présent, que les "tu te rappelles" font suite aux "tu te souviens" et on va chercher dans l'armoire de la chambre l'ancienne boîte de biscuits, en fer blanc peint, dans laquelle on a rangé les photos de famille. Ces souvenirs passent de main en main et les commentaires vont bon train. En redécouvrant les portraits des grands-parents on évoque leur mérite et le courage dont ils ont fait preuve pour gagner leur liberté et donner un toit et une terre nourricière à leur descendance. Et puis on reparle de la Louise que l'on retrouve sur la photo du mariage du Jean et de la Denise. On se souvient : Cette pauvre Louise, le visage orné de favoris roux qui courrait, mais en vain, après un bon parti. Elle avait des sous notre Louise, mais voilà elle était toujours mal rasée... La veillée se poursuit par quelques histoires pour faire rire pendant que grésillant, devant la braise, de bons gros marrons achevaient de se griller. Bien au chaud, on laisse gémir dehors l'âpre bise de l'hiver. Ainsi va s'écoulant cette veillée de la St-Sylvestre et puis la pendule qui sonne fait résonner les douze coups de Minuit !

Les veilleurs se lèvent le verre à la main pour trinquer à la nouvelle année et on s'embrasse... Comme eux, très amicalement, je vous fais la bise et je vous souhaite, à vous, amis du Pays d'Ouest Limousin et d'ailleurs, une bonne, belle et fructueuse année 2015...

